

4) *L. Nummularia*. — Sympodii caulis spurius tenuis flaccidus elongatus vaginis ochreatis geminis ore amplo ac superficie externa muriculatis. — Caules secundarii vagina una ampla cupulari vestiti. Folium oblongum acutum basi cuneatum apice minutissime bi — tridentatum quinquenerve pergameneo papyraceum tres quaterve lineas longum, medio tres latum. Pedunculi vagina solitaria ac bractea una. Ovarium turbinatum basi teretiusculum cum pedicello articulatum. Perigonium pallidissime flaveolum vix duas lineas longum tenuissimum. Sepalum supremum oblongum sensim acutum, inferius oblongum apice per quartam bidentatum; limbus basin versus minutissimo subtilius ciliolato denticulatus. Tepala oblonga apice obtuse acuta, basi decurrentia peltata. Labellum transversum humile trilobum: lobi laterales semisemilunato obtusati, lobus medius triangulus obtusatus. Androclinii denticulus obtusangulus in medio. — Lofty Trees. Peru. Jamieson. (Hab. sp. sicc. comm. ab ill. Lindley sub num. 97.)

Obs. Plantulam simillimam sterilem reperimus inter Stelides Schlimianas Ocañenses.